

龍文鞭影

卷之三

一 先

飛鳧葉令，駕鶴緱仙。劉晨採藥，茂叔觀蓮。  
陽公麾日，武乙射天。唐宗三鑿，劉寵一錢。  
叔武守國，李牧備邊。少翁致鬼，欒大求仙。  
彘臣曹操，猛相苻堅。漢家三傑，晉室七賢。  
居易識字，童烏預玄。黃琬對日，秦宓論天。  
元龍湖海，司馬山川。操誅呂布，臧殺龐涓。  
羽救鉅鹿，準策澶淵。應融丸藥，閻敞還錢。  
范居讓水，吳飲貪泉。薛逢羸馬，劉勝寒蟬。  
捉刀曹操，拂矢賈堅。晦肯負國，質願親賢。  
羅友逢鬼，潘穀稱仙。茂弘練服，子敬青氈。  
王奇雁字，韓浦鸞箋。安之畫地，德裕籌邊。  
平原十日，蘇章二天。徐勉風月，棄疾雲煙。  
舜欽斗酒，法主蒲韉。繞朝贈策，苻鹵投鞭。  
豫讓吞炭，蘇武餐氈。金台招士，玉署貯賢。  
宋臣宗澤，漢使張騫。胡姬人種，名妓書仙。

二 蕭

滕王蛺蝶，摩詰芭蕉。卻衣師道，投筆班超。  
馮官五代，季相三朝。劉蕡下第，盧肇奪標。  
陵甘降虜，蠋恥臣昭。隆貧曬腹，潛懶折腰。  
韋綬蜀錦，元載鮫綃。捧檄毛義，絕裾溫嶠。  
鄭虔貯柿，懷素種蕉。延祖鶴立，茂弘龍超。  
懸魚羊續，留犢時苗。貴妃捧硯，弄玉吹簫。

三 肴

欒巴救火，許遜除蛟。詩窮五際，易布三爻。  
清時安石，奇計居鄴。湖循鶯脰，泉訪虎跑。  
近遊束皙，詭術尸佼。翺狂晞髮，嵇懶轉胞。  
西溪晏詠，北隴孔嘲。民皆字鄭，羌願姓包。  
騎鵬沈晦，射鴨孟郊。戴顓鼓吹，賈島推敲。

四 豪

禹承虞舜，說相殷高。韓侯敝袴，張祿綈袍。  
相如題柱，韓愈焚膏。捐生紀信，爭死孔褒。  
孔璋文伯，夢得詩豪。馬援鬻鑠，巢父清高。  
伯倫雞肋，超宗鳳毛。服虔賃作，車胤重勞。  
張儀折竹，人未燃蒿。賀循冰玉，公瑾醇醪。  
龐公休暢，劉子高操。季劄掛劍，呂虔贈刀。  
來護卓犖，梁竦矜高。壯心處仲，操行陳陶。  
子荆爽邁，孝伯清操。李訂六逸，石與三豪。

鄭弘還箭，元性成刀。劉殷七業，何點三高。

### 五 歌

二使入蜀，五老遊河。孫登坐嘯，譚峭行歌。  
漢王封齒，齊主烹阿。丁蘭刻木，王質爛柯。  
霍光忠厚，黃霸寬和。桓譚非讖，王喬止訛。  
隱翁龔勝，刺客荆軻。老人結草，餓夫倒戈。  
奕宛李訥，碑賺孫何。子猷嘯詠，斯立吟哦。  
奕世貂珥，閭裏鳴珂。曇輟絲竹，哀廢蓼莪。  
箕陳五福，華祝三多。

### 六 麻

萬石秦氏，三戟崔家。退之驅鱷，叔敖埋蛇。  
虞詡易服，道濟量沙。伋辭饋肉，瓊卻餉瓜。  
祭遵俎豆，柴紹琵琶。法常評酒，鴻漸論茶。  
陶怡松菊，田樂煙霞。孟鄴九穗，鄭珏一麻。  
顏回練馬，樂廣杯蛇。羅珣持節，王播籠紗。  
能言李泌，敢諫香車。韓愈辟佛，傅奕除邪。  
春藏足垢，邕嗜瘡痂。薛箋成彩，江筆生花。  
班昭漢史，蔡琰胡笳。鳳凰律呂，鸚鵡琵琶。  
渡傳桃葉，村名杏花。

### 七 陽

君起盤古，人使亞當。明皇花萼，靈運池塘。  
神威翼德，義勇雲長。羿雄射日，衍憤飛霜。  
王祥求鯉，叔向埋羊。亮方管樂，勒比高光。  
世南書監，晁錯智囊。昌囚羸里，收遁首陽。  
軾攻正叔，浚沮李綱。降金劉豫，順虜邦昌。  
瑜燒赤壁，軾謫黃岡。馬融絳帳，李賀錦囊。  
曇遷營葬，脂習臨喪。仁裕詩窖，劉式墨莊。  
劉琨嘯月，伯奇履霜。塞翁失馬，臧穀亡羊。  
寇公枯竹，召伯甘棠。匡衡鑿壁，孫敬懸樑。  
衣蘆閔損，扇枕黃香。嬰扶趙武，籍殺懷王。  
魏征嫵媚，阮籍倡狂。雕龍劉勰，潛驥應瑒。  
禦車泰豆，習射紀昌。異人彥博，男子天祥。  
忠貞古弼，奇節任棠。何晏談易，郭象注莊。  
臥游宗子，坐隱王郎。盜酒畢卓，割肉東方。  
李膺破柱，衛瓘撫床。營軍細柳，校獵長楊。  
忠武具奠，德玉居喪。敖曹雄異，元發疏狂。  
寇卻列簿，呂置夾囊。彥升白簡，元魯青箱。  
孔融了了，黃憲汪汪。僧巖不測，趙壹非常。  
沈思好客，顏駟爲郎。申屠松屋，魏野草堂。  
戴淵西洛，祖逖南塘。傾城姐己，嫁虜王嬙。  
貴妃桃鬢，公主梅妝。吉了思漢，供奉忠唐。